

Nkongomiso wa vlandzelelanawu eka mifambelaniso ya nxavohundziso

Tshwane, Ravuntlhanu 19 Sunguti 2024 – Vukorhokeri bya Xibalo bya Afrika-Dzonga (SARS) namuntlha byi humesile mpfapfarhuto wa mihundzuluxo ya nawu leswaku mani na mani a angula hi mbono wo fambisa mifambelaniso ya nxavohundziso.

Mihundzuluxo ya nawu ehansi ka Nawu wa Khasitomo na Ekisayizi, 1964 (Nawu wa Nomboro 91 wa 1964) yi ta nyika nhlamuselo na ntiyisiso eka mabindzu ma matikonyinghi mayelana no tihlamulela ka vona eka mifambelaniso ya nxavohundziso eka mitiviso ya Khasitomo leyi nga hundza. Leswi swi ta tiyisisa leswaku ma landzelerisa swiboho swa wona swa Khasitomo.

Ku ya ehansi na le henhla ka tinhundzu na vukorhokeri leswi nyikiwaka hi matikonyinghi swi na xitandzhaku xa xivangelo na nkucetelo eka mibindzulo, naswona, tanihi mbuyelo, xikweleti xa xibalo xa matikonyinghi. Kwalaho i xiboho xa matikonyinghi ku hundzuluxa hakelo ya nxavohundziso hi ku landza matimu ku tiyisisa vlandzelelanawu.

[Mpfapfarhuto wa mihundzuluxo](#) wu humesiwile eka webusayiti ya SARS leswaku mani na mani a angula no tivisiwa eka xiyenge xa mabulu xa SARS. Vaaki va Khasitomo va komberiwa ku nghenelela eka phurosese.

"Leri i goza rin'wana ro endla swi olova no vevuka eka vahakelaxibalo na vaxavisi ku landzelela hi ntsakelo swiboho swa vona." ku vurile Khomixinara wa SARS Ttn Edward Kieswetter.

"Nawu wu pfumelela nhlngano ku andlala milawu na maendlelo lama tlakusaka vlandzelelanawu hi nhlamuselo yin'we no tiyisa mbangu wa xibalo na Khasitomo lowu khumbaka vakhumbeki va hina, laha tikweni na misava hinkwayo."

Ku kuma voxokoxoko hi xitalo, u komberiwa ku tihlanganisa na SARSMedia@sars.gov.za